

北京圖書館 編

北京圖書館藏珍本
年譜
叢刊



第 89 冊

北京圖書館出版社

□ 北京圖書館 編

北京圖書館藏珍本
年譜叢刊

北京圖書館出版社

第 89 冊

第 八 十 九 冊 目 錄

周漁濱先生年譜	一
閻邱先生自訂年譜	五九
朱文端公年譜	一〇五
何端簡公年譜	二〇三
王太常年譜	三五九
尹太夫人年譜	四一一
方望溪先生年譜	五〇一
清大司馬薊門唐公年譜	六三五

周漁潢先生年譜

貴陽後學陳 田編

康熙四年乙巳

先生名起渭字漁潢一字桐埜先世江西廬陵人明

洪武間有爲白納長官司土官者遂著籍新貴

縣後省

是年九月二十五日先生生田按先生卒於康熙五

十三年甲午方文翰書桐埜詩集後云先生甲戌成

進士官翰林踰十九年癸巳而晉詹事又一年而先

生卒是爲歲甲午其卒也年五十矣以是逆計之當

生於是年先生事蹟傳記多略無誌狀可考僅於文

翰集中見先生生卒大略文翰爲先生門人言當不

誣

五年丙午

六年丁未

七年戊申

八年己酉

九年庚戌

十年辛亥

十一年壬子

十二年癸丑

十三年甲寅

十四年乙卯

十五年丙辰

十六年丁巳

十七年戊午

十八年己未

年十五田按先生早慧年十四五作燈花詩傳誦一

時迴青山房集以燈花詩壓卷蓋錄少作也

十九年庚申

二十年辛酉

年十七舉貴州鄉試副榜第三是科榜首爲貴筑劉子章先生集中有贈襄城令劉豹南送劉豹南侍御

視離河東詩

豹南子章字也

二十一年壬戌

二十二年癸亥

二十三年甲子

二十四年乙丑

年二十一 是年秋黎平苗亂先生有詩紀事田按先生迴青山房集有屏山菴夜坐詩云冬蜚惻惻鳴冬火熒熒碧縕絮擁臙肌破氈圍講席又撥悶詩云一

編章句儘唔呖二載龍場歸去遲此二詩列於紀苗
亂詩前後蓋先生授徒於修文縣之龍場者二年集
中修文縣竹枝辭羅生餉余松花醪木閣箐題屏山
菴諸詩大約此時作也

二十五年丙寅

二十六年丁卯

年二十三秋舉貴州鄉試第一名

二十七年戊辰

二十八年己巳

年二十五田按是時德州田山薑中丞莅黔先生與

三
之論詩有合山薑稼兩軒詩序云余鄉識漁潢於黔
陽從余論詩歎其人之奇詩之工先生送山薑還德
州詩云當今齊魯盛風雅王田雅望同歐蘇過德州
懷山薑詩云詩卷長存萬事休十年黃壤閉風流羊
曇漸老無多淚忍爲停車一少留當時新城執盟詩
壇先生舉德州與之抗數十年後 四庫館開館臣
論定王田訖無異議過德州一篇感懷沈痛聲淚俱
下矣

二十九年庚午

三十年辛未

三十一年壬申

年二十八是年巡撫衛旣齊議修貴州通志領志局者爲貴陽吳滋大先是康熙十二年重修通志滋大與其事吳三桂之亂燬於兵火至是滋大重領志局先生與貴筑舉人劉子章貴陽學生黃嘉穀分編志事滋大斷硯草中各有詩贈三人其贈先生詩云兩世通家雖在昔一時聚首卻從今風流擬見靈和柳大雅還開正始音欲覓替人欣已得可知倒屣自難禁願將絕俗超凡事慰我相期無限心滋大名中蕃明遺老也志局邂逅傾倒如此先生有寄懷滋大詩

云北客倦塵土香山思舊遊春雲如我心日夕西南
浮眷懷龐德公溪碧庭戶幽山光麗華髮松風答清
謳平生濟時念紙墨如山邱鴻寶雖自祕千金人將
求昔從問鉛槧今從悵淹留江河兩襟帶迤邐阻神
州夜夢鰲磯水崔嵬水中樓葛巾侍鳩杖清江綠鴨
頭醒時不可到川長歲且悠窗櫺月樹影疑見髯颯
颯何以將鬱陶羈人無敝裘詩成意隨去漢廣可方
舟又秋懷滋大詩云勸影先生獨耐秋苦吟到老不
能休誰知盡是開元曲留在西南斗大州又舍弟書
來傳滋大卒矣客中憾不能一奠詩云慶厯風流不

可期見公談笑我心知百年風月吹蓬鬢兩度滄桑
照寸眉前輩有文終坎壈後生雖長未權奇從今故
國微絃暗不向鄉關再論詩靈光住世早潛然每望
冬青拜杜鵑魂去不依新鬼籙夢闌獨記古山川生
芻已少倉皇淚束筍期爲甲乙編一曲采薇歌正激
西周時節定誰憐滋大有集■卷以序屬先生期爲
勘定今敝帚斷硯二集未見先生序當有願而未遂
也

三十二年癸酉

年二十九是年先生計偕北上華嚴洞沅州夜行投

竹坪鋪宿江西橋桃源自桃源底武陵紀景河湫山
伏波將軍祠過澧州渡荆江荊州絕句月下積雪贈
襄城令劉豹南襄城李禮山招飲且以詩見贈步韻
答之鄭州道中白水村貴人鄉鄴城道十六詩皆此
年作也田按劉豹南令襄城延劉太乙青藜爲兒師
先生過襄城與太乙定交太乙講金石能文章有聲
先生集中有答劉太乙詩論詩派流別究極正變太
乙寄先生詩附見於此

劉青藜高陽山人集寄周漁
璜檢討詩昔年得君詩攜自

梅啖熊桃原笑荒唐哮豁開羣蒙諷諭寄螳奪莫邪
試銛鋒兩章交璀璨星月蟠秋空謠罷再三嘆常恨
不相逢時君方計偕獻賦蓬萊宮旋受凌雲知吐氣
如長虹濁水清路塵懸隔更重重何意逃空人倏聞

足音蹙况乃夙所慕長蒿遂倚松篁底出新詩縱橫
老彌工就中樞關吏排比見始終怒癭知有人吾自
快心胸青鏡變黑髭齋房芝何功作者不世出韓杜
文息蹤獺祭戲蘭苕一例抹青紅扣槃與學步如鳥
羈樊籠改轍就宋元扶醉西復東擗僅毛皮屈殺
劍南翁買櫝還其珠鄭人自瞽隴阿誰擘金翅領底
摘驪龍辭章雖小技雅頌匪雕蟲百川方橫流捧土
豈能壅旌纛樹大將兜鍪孰不從方今聖明代揮絃
歌南風新城與綿津韶濩叶笙鏞公隨鸞鵠羣鳴和
聲雖淫哇及浮靡剗削何所容我生困蓬華分知
坐詩窮送君汝水岸紫鷺搖綠駿談舌久不掉寸筵
聊撞鐘雌聲願終賜莫負南飛鴻

三十三年甲戌

年三十會試中式第~~三~~名殿試三甲改翰林院庶吉

士貧不能賃屋與同年生吳宣臣朱若瞻殷夢五同

寓院署是年有都門絕句新改庶常壽朱翁題扇壽

徐位三題扇送李修廬南還送程孚夏莅黔中製一
羊裘初成戲簡吳宣臣同胡芝山汪安公登白塔讀
蘇詩十九詩

三十四年乙亥

年三十一在院署先生詩所謂曾醉京華兩度春鶯
花熟識舊遊人三分宦路俳優事兩歲長安襜褕人
也是年有陳濂村夢綠草堂小飲同作春夜獨酌漫
興送于若木歸金陵合肥李相國奉太夫人歸葬白
燕翔于墓偶作寒食大雪卽事歸夢清明後一日入
慈仁寺探海棠寄懷吳滋大題歲寒圖爲梨園管六

作和陳鍾庭春日漫成醉中放歌憶園中牡丹初夏
卽事顧某新得長興丞陳鍾庭爲求詩李相國園讌
集曉起步韻答宣臣同年同胡芝山出城遊祖家園
厯中頂寺書途中所見壽杜師母六十飲酒伴竹居
爲杭人潘明仲賦送程天有令萍鄉買花詞贈江西
學使題畫苦雨雨中偶作疊前韻寓興喜晴獨酌作
喜晴詩次日復陰雨再作解嘲懷徐位三同吳宣臣
詠鳳仙花乞巧秋思讀錢收齋詩讀吳梅村詩雜吟
秋夜不寐樹下聞蟬燕臺弔古戲柬吳宣臣題畫竹
蕉雨和張天門陳濂村館試歸顧丹宸招飲次日吳

宣臣贈詩依韻奉答張石虹覽小匣篆章見贈長句
依韻奉答秋懷絕句嚴母賈孺人苦節詩賀山左臬
司張公敬止晉方伯爲吳宣臣送周靜齋視鹺長蘆
送金松軒令都勻戲擬艷體故少司寇馮蒿庵暨侯
夫人輓章初冬卧病汪愚谷以二絕見贈次韻答之
張兼蘭祖母壽朱封翁壽詩獨坐楊岫萊雙壽送楊
瑞菴令清鎮送王簡菴郎中出守汀州送同年梅懷
芝赴高平任臘月七日懷芝誕辰題楊建極小像楊
氏五代圖等詩田按先生乙亥丙子作詩各百三十
餘首迴青山房集中以二歲詩爲最夥蓋冷署無事